

PSE-EEren proposamena

PSEren proposamenari gehitze eta osoko zuzenketak egin dizkiote EAJk eta EAK

PSEren «benetako asmoa» alderdien arteko adostasuna lortzea den jakin nahi dute

Eduarne Begiristain / Gasteiz

PSE-EEK alderdien arteko mahaia osatzeko egin proposamenari aurkeztutako zuzenketen berri eman zuten atzo EAJko Joseba Egibarrek eta EAKo Rafa Larreinak. Proposamenaren laugarren puntuari gehitze zuzenketa bat aurkeztu diote, zeinetan «herri borondatea» errespetaatzeko eskatzen duten. Bestalde, osoko zuzenketa ere aurkeztu dute, baldintzarik gabeko «alderdien elkar ulertzea» bultzatzeko.

JOSEBA EGIBAR EAJko EBBko bozeramaileak eta Rafa Larreina EAKoak atzo aurkeztu zituzten, Eusko Legebiltzarrean, PSE-EEren proposamenari egin dizkionten zuzenketak. Bi alderdie-tako ordezkariak azaldu zuten, alde batetik gehitze zuzenketa bat jarri diote proposamenaren laugarren atalari. Alegia, «indarrean den legeria errespetatuz» dioen esaldiaren ondoren, EAJk eta EAK herri borondateari errespetaua azaltzea erantsi dute. Hots, «euskal gizarteak libre eta demokratikoki erabaki dezakeen horrek behar duela izan azkenean legearen menpean gelditu behar duena», azaldu zuten.

Gehitze zuzenketa horrekin, legedia edota markoa eta herri borondatea uztartzea nahiko lukete EAJk eta EAK. Joseba Egibarrek eta Rafa Larreinak jakinarazi zuten, zuzenketa horrekin ikusi



Rafa Larreinak eta Joseba Egibarrek atzo Eusko Legebiltzarrean egindako agerraldia.

nahi dute, osoko bilkuran bertan, ea PSE-EEren «benetako asmoa» alderdi politiko- en arteko adostasuna lortzea den ala beste helburu bat lortzeko aurkeztu duen lege besteko proposamena. «Argi dago hasieran genuen inpresioa zela PSE-EEK iraganeko diskurtsoari mugarri berria ezartzen ziola, baina badirudi azken hamar egun hauetan helarazi duten diskurtsoan bestelako interpretazioak eman dizkiotela», esan zuen Egibarrek.

Osoko zuzenketa «irekia»

Bestalde, gehitze zuzenketa hori aurrera ateratzen ez bada, PSE-EEK gehigarri hori

JOSEBA EGIBAR

■■■ «Ibarretxek elkarriketarako deia egiten duen bezala, ordezkari politikoek elkarriketaren aldeko apustua egin behar dugu»

onartzen ez duela esaten duelako, EAJk eta EAK osoko zuzenketa aurkeztuko dute. Zuzenketak hiru atal ditu: batetik, indar politiko guztiek elkar uler dezaten ahalegina egin behar dela; bestetik,

aurretiaz mugarik jarri gabe «gizartean den aniztasun ideologikoa onartu eta errespata-tuko duen elkarriketa prozesuari ekitea», eta azkenik, «bide politiko eta demokratikoen alde soilik» egitea apustua.

Egibarren arabera, zuzenketa hori «oso irekia» da. «Juan Jose Ibarretxe lehendakariak elkarriketarako deia behin eta berriz egiten badu, guk uste dugu euskal gizartea ordezkatzeko dugunok elkarriketaren aldeko apustua egin behar dugula», adierazi zuen.

Egibarren ustez, ekainaren 16an egingo den eztabaida «bizia eta mamitsua» izango da eta, halaber, «emankorra» izatea espero du.

Ibarretxeri egin galdera bat erretiratu du PSEk, proposamenaren eztabaida trabatu ez dezan

Efe / Gasteiz

JUAN JOSE IBARRETXE lehendakariari Eusko Legebiltzarrean egindako galdera bat atzera bota zuen atzo PSE-EEK, datorren astean euren proposamenaren eztabaida trabatu ez dezan. Sozialistek berriro ere «alderdi demokratikoen» batasuna lortzeari eta, horrela, ETari aurre egiteari buruz galdegina zioten EAEko lehendakariari. PSE-EEren arabera, «ez du zentzurik bihar [gaur] hurrengo astean egingo den eztabaida zabalgatzen baten lehen atala egiteak».

Gaur zortzi eztabaidatuko dute PSE-EEren idatzia Legebiltzarrean

Efe / Gasteiz

SOZIALISTEK alderdien mahai bat osatzeko aurkeztu duten proposamena eta horri egin zaizkion zuzenketak hilaren 16an, ostiralean, eztabaidatuko dituzte Eusko Legebiltzarrean. Alderdi guztiek aurkeztu dizkiote zuzenketak: EAJk eta EAK osoko zuzenketa bat eta gehitze zuzenketa bat aurkeztu dituzte, EHk osokoa, PPK eta IUk hainbat puntu aldatzeko eskatu dute eta UAK ere osoko zuzenketa aurkeztu du.

EAJk atzera bota du Mayor Orejari Buesaren inguruan egindako galdera

Efe / Gasteiz

POLIZIEN arteko informazio trukeari buruz Jaime Mayor Orejari Espainiako Kongresuan egin galdera atzera bota du EAJk. Espainiako Poliziak Fernando Buesari buruz zuen informazioa ezkatatu zuen galdegina zion iragan astean Mayorri Joxe Juan Gonzalez Txabarrik, baina ez ziola erantzun esan eta beste bat egin zuen. Javier Balzaren eta Mayorren arteko bilera ostean, baina, galdera kentzea erabaki dute jeltzaleek.

txostena

EAJ-EAk aurkeztutako bi zuzenketak

• Honako hauek dira bi zuzenketak. Beltzean idatzita dagoena da EAJ-EAK PSE-EEren proposameneko 4. puntuari gehitu dioten esaldia.

Gehitza zuzenketa

4.- Argi uzten du (Eusko Legebiltzar- rarak), halaber, indarrean den legeria eta bere etorkizunari buruz erabaki-

tzeko euskal gizartearen borondatea eta modu libre eta demokratikoan hartutako erabakiak gorde eta errespeta- tzea funtsezko baldintza dela horrelako elkarriketak solaskide orori gutxieneko segurtasun eta konfiantza eskainiko badie.

Osoko zuzenketa

1.- Eusko Legebiltzarrek bere uste sendoa adierazten du, egungo egoera politikoak, euskal gizartea ordezkatzeko indar politiko- en arteko komunikazio eta elkar- ulertze ahalegina eskatzen duela.

2.- Ondorioz Euskal Herriko alderdi politiko guztiei gonbidapena luzatzen die, aukera politiko ezberdinak baztertu gabe eta horientzat aurretiaz mugarik ezarri gabe, gure gizartean den aniztasun ideologikoa aitortu eta errespata- tuko duen elkarriketa eta negoziazio prozesu bati hasiera eman diezaioten.

3.- Eusko Legebiltzarrek, halaber, adierazten du, indar politiko guztien bide politiko eta demokratikoen alde egiteko konpromiso argiak, eta indarkeria adierazpen oro betiko alboratzeko asmoak besterik ez ditzaketela bermatu prozesu hau jomuga onera eramateko baldintza egokiak.